



الشاعر والكاتب ماركو ابراهيم
marcoabraham@yahoo.com

عفوك يا فلسطين

فلسطين يا اللي اسمك بالعلالي
يا اللي دائماً على بالي
دائماً بفكر فيكي وبسرح بخيالي
لأنك بلدي وملكي وحلالي
ما بيغلى عليك اهلي وعيالي بقدملك
عيوني وقلبي وكل اموالي
كرمالك مستعد اضحي بالغالي يا اعز
شيء عندي يا اغلى من حالي
انا بحبك وبعدي عنك نار بوجداني وعذاب رباني
يا احلى واطيب ارض يا طمع الغرب
احتلوكي بالقوة والاحتيال والكذب

اختراك الله من دون كل بلاد العالم عشان
يحط اغلى ما عنده ببطنك
كان ممكن الاقصى يكون في اي
مكان بعيد عن ارضك
سبحان اللي خلق الكون وزرع المسجد
الاقصى بقدسك
لأنك جنته في الدنيا. الله بكتابه قال
باركنا يا قدس حولك
عفوك يا فلسطين لأنه احنا
نسبنا قديش الله بحبك
يا فلسطين انت الحب والام والاب
ومن روح الرب
نسبنا كمان انه هو يللي وضانا بالوالدين
احسانا

فرقوا بيناتنا واربيت بأرض غيرك
وحرموني من خيرك
بس ما نسيتك يا فلسطين يا حنوني
والدليل انه اسمي مشرد فلسطيني
انا ابنك الضائع وقريب الحاجز حيزول اللي
حطوه بيني وبينك
بوعدك انه جاي اليوم اللي ارجع
فيه وادق على بابك
وافلح بكل ارضك من طولك لعرضك
وارجع شجرة زيتونك
وخضار عيونك وترجعي عروس الشرق
والعنمة تتبدل بنورك
ما في حدا بطهارتك واهمانك وانت اسيرة
حافظتي على اديانك